



2DA SESSIONE STRASURDINARIA PÈ U 2016

RIUNIONE DI I 24 È 25 DI NUVEMBRE

N° 2016/O2/060

**DUMANDA ORALE SPOSTA DA U Sgiò. Dominique BUCCHINI
À nome di u gruppu « Communistes et Citoyens du Front de Gauche »**

OGETTU : Cunvenzione quattru d'esequzione PEI.

U 14 di nuvembre, u Cunitatu di Valutazione di e Pulitiche Pubbliche messe in opera da a CTC si hè riunitu pè valutà una di isse Pulitiche, una trà e più impurtente, vogliu parlà di a cunvenzione d'esequzione quattru di u PEI.

Avemu lettu di modu attente u raportu di a CRC di ferraghju di u 2016 è statu à sente cun interessu u Sgiò Jean BAGGIONI chì fù u primu Presidente di l'Esecutivu à avè ricevutu issu mandatu.

Ci tramanda quessa à a deliberazione di u 25 di ghjennaghju di u 2002 chì impuntava indirettamente nantu à l'ampiezza di u travagliu, i mezi messi in opera cum'è mai capunanzu, ma dinù, di modu anticipatu, nantu à qualchì ostaculu chì ùn si hè pussutu parà.

Aviamu identificatu da l'iniziu a necessità di firmà concentrati nantu à l'obbiettivi essenziali d'assestu di i ritardi rimercati in l'infrastrutture maiò, di custituisce in appoghju un polu d'ingegneria publica, permettendu di rende più chjaru un pruceddu assai cumplissu.

Insistu nantu à st' aspetti, tenendu à mente a problematica PPE, chì ella, presenta caratteristiche vicine di stu puntu di vista, eccettu a cuntrattualisazione, è particularmente per ciò chì tocca à u PEI, una chjave di distribuzione 70/30 chì sapiamu ch'ella impatteria e capacità d'interventu di a CTC.

Da quì, una pruposta iscritta in a deliberazione di u 25 di ghjennaghju di u 2002 d'un « fondu di cuncorsu » permettendu di realizà a prugrammazione è l'adopru

di i crediti cun assai di più efficacità, à tempu, a CTC averia benefiziatu, via stu fondu di e somme cunrispundendu à a partecipazione di u Statu.

Ùn eramu ind'è l'austerità buggetaria ma digià in u rigore, è issu dispositivu ùn serà ritenutu. Più vicinu à noi, in u 2013, e pussibilità d'operà di a CTC si sò ridutte è da u 2014, l'esecuzione di u so buggetu hà fattu sparisce di modu tutale u so fondu di funziunamentu glubale.

Essendu data quessa, u PEI arrestatu cù u governu di a manca plurale offria una vera pussibilità di fà un saltu qualitativu in parechji duminii : rete stradale, acqua, assaniscimentu, camin di ferru, patrimoniu è cultura, strutture d'insignamentu, sviluppu urbanu, NTIC, agricoltura, salute, sport...

A prugrammazione di u PEI in u quatru di a sulidarità naziunale rippunerà nantu à un impegnu finenziariu iniziale di duie miliardi è, malgratu una accelerazione impurtente st'ultimi cinque anni, una sottu sottu-cumazione – di sti crediti, in un primu tempu.

A riorientazione affacata si durentu a seconda cumversione permettarà d'aghjustà l'impegni, tenendu contu di e distenze setturiale è d'integrà e misure : rumenzula, fundiaru-alloghju, elettrificazione rurale...

Ma, a CTC face rimercà chì, in i dece duminii duv'è l'intervensione publica hè strutturante, i risultati sò in quà di l'ambizione, mentre pè ottu altre, a mubilisazione di i finanziamenti PEI apparisce cum'è una « dispersione ».

Infine, un'esecuzione più drastica, cuncernendu particularmente l'acqua bona, a furmazione è i tumbatoghji, averia pruduttu risultati più boni.

Eppuru, st'impattu pusitivu di a cumanda publica hè cunnisciutu. Si rimercherà un addirizzamentu significativu di u PIB à abitante, fendu avvicinà si a Corsica di a media naziunale. Ma, a crescita forte custattata ùn s'hè tradutta cù una ripartizione più bona di a ricchezza è e differenze si sò allergate, à prò d'un picculu numeru chì si hè aricchitu assai.

Issi custatti conducenu à sottulineà una debulezza chì tocca à a guvernanza è una definizione imperfetta di e rispunsabilità scumpartute trà u Statu è a CTC. Secondu a CRC, u COREPA hè diventatu cù u tempu, un locu, citu : « chì facilitateghja l'accusanti nantu à i denominatori cumuni più chjuchi invece di decisione strategiche strutturate, di più atte à inghjennà opposizione forte »

Di pettu à issi custatti, inghjochi è oblihi chì s'appoghjanu nantu à l'esecuzione di l'ultima fetta PEI, ci pudete di o Sgiò Presidente, chì strategia pensate di mette in ballu in termini di prugrammazione è di selezione di l'investiscimenti strutturate da compie è da realizà di modu priuritariu ?